


歷代 日記叢鈔

學苑出版社

歷代日記叢鈔

第四五冊



多言、隱覺怫然、方望一家遷善、而惡聞已過、何悖甚哉、



利心最害事、若實見得義理、則財利自輕、夷齊讓國、求仁得仁、餓死何妨、

知其不可為而為之、滿腔惻隱之心也、不問世道人心如何、這一副與人為善熱腸、斷冷不得、

一言一動、須求有益於人、

只一箇畏窮怕死心、遂至氣節不振、相習成風、可為浩歎、

不令一毫煩心事、到親心上、屬家人共體此意、

談人過只緣心地不潔以惡感惡遂牢著於心不去耳過豈在口哉

蔡中郎曠世逸才內行修美乃懷恩附逆不得其死立身大節烏可不慎也朱子論荀彧云剛正之氣折於凶逆之餘而漸圖所以全身遠害之計故淪胥至此人非窮理養氣其不進退失據者鮮矣處順境慣纔拂意便不釋然氣質駁雜天性澆漓再不努力終無為人之日矣自責自省惟恐戾氣之隱生也

魯宣公初稅畝哀公憂不足不能自強苟且補苴何

言之慨然

世鮮不以此言為迂
然於此信不過正難
望其轉移世運也

救於貧弱哉

郡縣得人足致太平不必定行封建自是通論致治
本於人才人才本於學校學校本於君德欲郡縣得
人則大學不可不亟講也

振陽剛之氣斬斷柔牽然後可以自立

好善如好好色惡惡如惡惡臭務決去求必得無此
誠心定不濟事

發奮只是意氣不加涵養流為暴戾可懼也

為國家如何使得性氣學問不能變化氣質古來多
少豪傑往往坐此自是病甚大當如大敵克之

此正吾人對症之藥無
如諱疾忌醫其病根
更難自克耳

存天理於未發過人欲於將萌此守關扼要之法過此以往雖勞罔功厭倦不誠時時有之人或譽己得勿違道干譽徇人失己乎此可懼不可喜也在世人口中落箇好字易在聖賢分上落箇好

字難

實做居敬窮理工夫則二病自除今不能免此病必工夫猶有間耳

自家病痛是柔懦含糊柔懦則爲善不力含糊則窮理不精其病根在心氣不能養心氣是今日要務慎修

按養心氣全在以義理浸灌此心

恕以待人嚴以律己而今卻反做了豈不是惑世路本寬有己則狹一味自克有無窮受用處

范滂與黨錮之禍。謂其子曰。我欲教汝為惡。而惡不可為。欲教汝為善。而我不為惡。東漢之士。以氣節相矜。鮮聖賢反身之學。故其忿激如此。

工夫難得精實。必戒慎不睹。恐懼不聞。不動而敬。不言而信。息息與天命之性相通。方足踏著實地。

唐敬楷先生謂予曰。學以居敬窮理為宗。此外皆邪徑也。身病忘不下。心病想不起。何耶。

訟獄滋繁。倫常敗壞。人心風俗。不可為隱憂。

武侯言違覆而得中。猶棄敝屣而獲珠玉。惡在喜諛。自怙其過。無乃寶敝屣而棄珠玉耶。

悚然汗下

君子先行其言，恥言過其行。自己行無一分，說得卻有十分，真不堪問心者也。

天與一分上好產業，任人侵奪尊貴，主人甘爲奴隸，何無志至此耶？思此不勝愧厲。

張楊園先生云：安處善，須從勉處善，做支持外面，尚是畏人意，不多到安處善，樂循理地步，終靠不住。

工樂夫循理須從

苦循理做工夫，久則

安，安則樂，言哉斯

言

客憂心海疆，愚意靖外必先治內。用人行政有多少事，在正學術、養人才、求直言、化畛域、裁冗食、警游惰、重本黜末、崇實黜華，皆要務也。舍要務而不知求斯，一切苟且之計進矣。既學，便須到純理無欲地步。若一念向理，又一念向

欲善惡雜揉終不能成箇人勉之

湛然純一肅然警惕此意一刻少不得

偷安直是錮疾著想卽是

餓死事小廉恥事大信得此理自然不到趨利無恥地步

行一不義而得天下不爲義重則天下爲輕况小焉者乎

氣不和順則乖戾之事應之感召之幾在乎一心安可不責己反躬兢兢焉自治其性情乎

楊園云學當自知不是時須是全副拋下從新做起

若只去泰去甚，留些根在後來，依舊長起，適以滋其文過飾非之習，語極警切。

講學者同言致知，同言至善，而毫釐之差，千里之謬，是非疑似之間，不容不辨。

呻吟語云：貪愛心第一可賤可恥。蠅蟻之於腥羶，螻蟻之於積糞，皆是這箇念頭。讀此悚惕，不自振拔，終身爲蠅蟻螻蟻，而不知愧恥也。哀哉。

初念欲轉念於欲中求理，便墮文飾惡習。

何子永云：按先生謂余曰：存養不容，或轉以自私用智當作做工夫。又謂丹溪初念欲是習染以後。

之心其言皆警切可畏謹附記於此知自欺之有
由而居敬窮理之不可一毫疎也後有轉念理
一條隱微中境界少別而工夫益加密實當參看
讀書應事著一我字便作病原批云窮理不到有我非無我亦非
靜時此心動時亦此心後存息養動靜皆有事也逐
物意移旋收旋放算甚學

蘇穎濱以羊祜平吳致武帝荒淫譏其不如范文子
南湖非之謂大臣爲國豈其預料其君之荒淫而不
敵其懷者夏寅亦云武帝貽謀本不足以維持長久
不在吳之存亡二說是武帝特兼並耳苟以弔民爲

心安在吳之不可伐哉。

靜中咀嚼出點道理，便有一番樂趣。不知聖人天理渾然之心，其快足更何如也。

呻吟語中凡此類議論，似近老子學問，律以大中至正之道，不能無獎。

呻吟語云：名利休十分占盡，我得人必失，我榮人必辱。我有美名，人必有愧色。孔子謙己，常自附於常人。愚意得失榮辱，可爲中人說法。若聖人分上，自有精義之用，似不在人。我利害上瑣瑣計較，且聖人之謙實是德盛禮恭，豈故附於常人以自韜哉？又云：聖人藏名遠利，賢人名脩利勸，看聖賢似淺。

吳康齋先生夢中時時警恐，爲過時不能學前輩刻

苦如此其云學以天地之量爲量、聖人之德爲德、未
至於天道聖人、不可謂之成人、又云男兒須挺然生
世間、一毫不盡其道、卽是自絕其天、讀此奮然興悚
然懼、

義理不足以養心、氣質物欲習染、迭起相攻、幾何不
淪胥以溺、可懼可嘆、

日用常行、事事做得盡分、非精強固不能、噫、缺欠多
矣、精下落一學耐煩、戒苟且、

孔子之樂、在發憤忘食、顏子之樂、在克己復禮、孟子
之樂、在不愧不怍、不從實地做工夫、懸空想像、以爲

至樂在是，聖賢無此學問。

才看出些少道理，便是己非人，如何能長進^有。

有錯輒悔，悔後復錯，志不堅，氣不奮，雖悔何益。

友朋相聚於當下，進德脩業，切實講求，方於身心有

益。路境辨明後，努力行去，一日有一日功夫，一時有

一時工夫，勿徒在古人身上爭是非也。

一言不誠，欲行掩護，病中生病。

昔人謂巖牆處處有之，飲食起居，不適其宜，皆巖牆

也，宜時時畏謹。

同志難求，得一共學之人，遂罄懷而吐，正不嫌以己

所不能者望之也。

樸庵讀呂子書面發赤曰不知此道一生在醉生夢死中矣予曰及時爲之勿負此生。

功利中人久矣正誼不謀利明道不計功須事事守此塗轍。

義理生閒事熟總是如此。

樸庵患閒思慮告以思本心官思得其正自無閒思。遏抑他不得惟時以聖賢之言栽培澆灌令義理融洽與心爲一則俗腸俗骨變矣工夫以漸以恒不可欲速助長。

人能禁得冷，耐得窮，便有幾分人品。

清議可畏，勿以人不知而欺之。

樸庵問訓蒙，告以先讀小學曲禮少儀內則，以正其趨向之路，養其愛敬之良，日取嘉言善行爲之誦說，二三條，日積月累，俾其盈耳充腹，以爲作聖之基，而邪說不能搖矣。

舍知止求靜定，卽有得，於至善卻不相干。

伊川云：陽始生，甚微，安靜而後長。呂子千存養如培胞，萌可識養心之法。

讀孟子志氣激發，有奮乎百世之思。

有德之人，滿腔都是春意，如飲醇醪，令人心醉。君子之道，闇然須將向外心，一切收回，著實作言行，相顧工夫，汲汲孜孜，以求無愧怍可也。

送別敬楷先生，先生謂予曰：人知天之與我者，至尊且貴，則我重物輕，便有富貴不能淫，貧賤不能移，威武不能屈氣象，悚然有省。學於大處，見得分明，一切物欲不攻自破，頭痛救頭，足痛救足，無益也。

胸懷舒暢，有悠然自得之意，心本無欲，只如此從容涵養，去拘苦他不得。

語友云：學貴變化氣質，日用間須實有遷善改過處。